

# UMS tekad jadi pusat pengajian tinggi berkualiti di peringkat global

UB 21.6.2019 A4

KOTA KINABALU: Universiti Malaysia Sabah (UMS) bertekad untuk menjadi pusat penyebaran ilmu pengajian bagi melahirkan pendidikan tinggi yang berkualiti kepada pelajar dan cendekiawan di peringkat global mahupun setempat.

Naib Canselor Profesor Datuk Dr D Kamarudin D Mudin berkata, UMS bertekad untuk menyediakan bimbingan dan pel-

uang pembelajaran dalam suasana persekitaran yang menekankan inovasi dan bakat.

"Sejak ditubuhkan, UMS telah memberikan usaha yang konsisten dengan menyediakan ahli akademik yang berkebolehan, membangunkan infrastruktur dan mekanisme moden, dan juga disokong oleh pihak pengurusan yang menyediakan dasar berkesan dalam usaha memupuk pemikiran

kritis dalam kalangan generasi muda," katanya.

Beliau berkata demikian pada Majlis Perasmian Penutupan Minggu Suai Mesra Asasi Sains Sesi 2019/2020 Pusat Persediaan Sains dan Teknologi (PPST) UMS pada Rabu.

Terdahulu, Kamarudin menyeru seluruh warga UMS untuk meletakkannilai keikhlasan dan menetapkan fikiran yang satu untuk menyempurnakan matlamat

agar sentiasa melangkah maju ke hadapan.

"Kita tidak mahu menoleh lagi ke belakang, kita harus bersatu dan menggembung tenaga bersama-sama agar kita semua berjaya ke destinasi yang dituju tanpa ada seorang pun yang tertinggal di belakang," ujarnya dalam teks ucapannya yang disampaikan oleh Timbalan Naib Canselor (Akademik dan Antarabangsa) UMS Profesor Dr Rasid Mail.

Beliau turut menasihatkan agar para pelajar baharu Asasi Sains untuk mengambil peluang dan memanfaatkan sebaiknya kehidupan kampus sebagai bekalan memasuki alam pekerjaan kelak.

"Selain bekalan transkrip akademik yang dibawa untuk memasuki alam pekerjaan, aspek lain seperti keterlibatan dalam aktiviti universiti dapat meningkatkan tahap keyakinan diri. Saya doakan agar anda semua memperkuatkhan iltizam dan menzahirkan usaha menuntut ilmu dengan bersungguh-sungguh



RASID beramah mesra bersama pelajar baharu Program Asasi Sains UMS.

demi melakar masa depan yang lebih terjamin," katanya.

Sementara itu, Pengarah PPST Profesor Madya Dr Sazmal Effendi Arshad memberitahu seramai 240 pelajar yang berasal dari seluruh Malaysia berjaya mengikuti pengajian Asasi

Sains UMS pada tahun ini.

Katanya, PPST akan terus memikul tanggungjawab dan amanah untuk sentiasa mendahuluikan agenda universiti dalam program asasi sains yang bertujuan memberi pendedahan atas sains yang kukuh kepada para pelajar sejajar dengan

kemudahan universiti yang disediakan.

"Harapan kita agar PPST dapat meneruskan misi untuk menyediakan lebih ramai lagi pelajar bagi mengikuti program sains di peringkat prasiwazah pada masa akan datang," katanya.